

**HOBENNAN DI FORMACION
SOCIAL A TERMINA FASE 1 Y
TA CLA PA OPORTUNIDAD Y
DESAROYO NOBO**



WWW.SOLODIPUEBLO.COM



SOLODIPUEBLO@GMAIL.COM

GOBIERNO AVP FUTURO GASTA MAS DI 800 MIL FLORIN RIBA FIESTA, CUMINDA Y BEBIDA

Den parlamento Cecilia no kier a duna contesta

Un informe cu ta circulando ta muestra cu Gobierno di AVP Futuro a gasta miles y miles di florin na fiesta den e prome 100 dia di gobierno.

De apenas 100 dia, nan a logra gasta mas di 800 mil florin. Ta trata di fiestanan grandi, cu gasto cu ta surpasa tur nivel normal:

4 mega fiesta den corto tempo, Open bar pa tur hende, Catering completo, Banda

musical y stage professional.

Tur esaki mientras pueblo ta lucha pa paga gasolin, luz y cuminda.

Preguntanan ta keda sin contesta:

Ken a aproba e gasto aki? Unda e “prioridad pa pueblo” ta? Ki otro fiesta ta riba lista?

Mientras tanto, pueblo ta wak y ta pensa: “Si tin tanto pa fiesta, mester tin pa yuda tambe no?”



Partido MEP
UN SHOW
POLITICO DEN
PARLAMENTO
Minister Cicilia bou di
curatela?



MANEHADOR DI U.T.V. A
BOLTER RIBA E CAMINDA
BEK DI NATURAL BRIDGE Y
RESULTA HERIDA



“ULTIMO DIANAN PA MAYORNAN POR HACI PETICION PA CAMBIA NAN YIU(NAN) DI SCOL”

Oranjestad, Aruba: SKOA ta informa cu 9 di juli ta e ultimo fecha pa mayornan por haci peticion pa cambia nan yiu(nan) di scol. Despues di e fecha aki, solamente situacionan extraordinario lo wordo acepta como motibo pa cambio di scol.

Kico bo tin cu haci pa cambia di scol?


Pa cambia oficialmente di scol mester haci esaki oficial via e cabesante di scol. E peticion di cambio di scol lo wordo procesa digitalmente via nos systema central di SAS. Pa haci e peticion oficial di cambio di scol mayornan mester aserca e cabesante di scol entre 3 - 9 di Juli 2025. Tur peticion lo wordo procesa segun e secuencia di entrega, pues mas trempan haci e peticion

mas trempan esaki lo wordo procesa. Importante pa tene na cuenta cu peticion pa cambio di scol no por wordo haci durante vacacion di scol.

Documentonan necesario pa cambio di scol:

- U i t t r e k s e l bevolgingsregister (papel di Censo)
- Copia di AZV-kaart of seguro priva pa aña escolar 2025-2026
- Prueba di pago di aña escolar (schoolgeld) 2025-2026

Despues cu a cumpli cu e rekesitonan mayornan lo ricibi un respuesta pa cu e peticion di cambio di scol despues di 10 dia di trabou. Despues di esaki lo ricibi un carta di ubicacion y por continua na inscribi e yiu(nan) na e scol nobo.



Otro Schoolbestuur Mayornan cu tin yiu(nan) inscribi na scolnan cu ta resorta bou di otro schoolbestuur por haci inscripcion pa un scol di SKOA via nos website www.skoa.aw.

Dicon scoge pa SKOA? SKOA ta e organisacion di educacion mas grandi na Aruba cu ta ofrece

educacion di calidad halto. SKOA tin un curiculo completo cu ta enfoca ariba e desaroyo y crecimiento general di cada alumno y estudiante. SKOA ta enfatisa su balornan Catolico, comunicacion na nivel multilingual, inclusion, innovacion y tambe actividadnan extra-curricular. Como mayor bo por ta segura cu bo yiu(nan) lo ricibi un educacion

completo na SKOA. Si bo kier pa bo yiu experiencia un forma diferente pa siña y descubri su potencial aplica na SKOA.

Pa haya mas informacion di tur e scolnan cu ta resorta bou di SKOA por bishita nos website www.skoa.aw. Pa contact nos directo por yama nos na (+297) 523 1800 durante orario di oficina.

MANEHADOR DI U.T.V. A BOLTER RIBA E CAMINDA BEK DI NATURAL BRIDGE Y RESULTA HERIDA



Diahuebs merdia a drenta informe di un accidente cu hende herida riba e caminda di Natural Bridge, mesora a dirigi tanto polis como ambulans na e sitio.

Na yegada di e patruya a bin compronde cu aki ta trata di un manehador di un U.T.V. Biniendo bek for di Natural Bridge riba e camina a perde control y a bolter.

Na yegada di e ambulans nan a atende y a transporte pa hospital.



Partido MEP

UN SHOW POLITICO DEN PARLAMENTO

Minister Cicilia bou di curatela?

– Durante tratamento di un ley na Parlamento cu ta toca exclusivamente e cartera di Turismo, e ley di TPEF, tabata hopi notabel cu Minister di Turismo, señor Wendrick Cicilia no a presenta su so. E tabata compaña pa e Minister di Finanza y na dado momento door di Mike Eman mes.

Un acto absurdo cu segun criticonan ta pone duda si Minister Cicilia por realmente actua riba su mes of si e ta core stage “Ta parce cu no tin confianza den su persona pa e defende un ley su so”. Ta kico e otro dos

ministernan a bin haci? Tin mas di 700 pregunta sin contesta, no ta mihor cu nan a keda traha riba e parti aki?

E situacion aki ta trece hopi pregunta tocante e balansa real di poder den e gabinete y su ministernan. Esaki ta un señal di falta di confianza, of simplemente un show pa sostene un minister cu ta tambaleando?

Un cos ta sigur, pueblo merece transparencia y gobernacion serio. Loke a sosode awe ta muestra di hopi cos, menos liderasgo real.



GRUPO DI CHINES CANANDO DEN BUBALI UN DI NAN A CAY Y TABATA TEMBLA Y NO TABATA REACCIONA VERBALMENTE



Diaranson anochi a drenta informe di cu un grupo di chines cu tabata cana y un di nan a cay y tabata tembla y no tabata reacciona ni

tabata sa unda e ta, mesora a dirigi tanto polis como ambulans na e sitio. Na yegada di e patruya no por a compronde kico e

victima tabata papia for di e personanan cu tabata cun'e a logra compronde cu e tabata cana cu algun persona mas y a sak cay y tabata dificil pa sa kico a pas'e. Na yegada di e ambulans nan a atende y a transporte pa hospital.

REQUEST FOR INFORMATION

Oriëntatie en aanvraag informatie op een e-begrotingssysteem voor Land Aruba

Uitgevende partij: Land Aruba, ten deze rechtsgeldig vertegenwoordigd door de Minister van Financiën en Cultuur

Voornemens voor een e-begrotingssysteem voor Land Aruba

Het Land Aruba is voornemens een nieuw IT-systeem te implementeren die gebruiksvriendelijk, toekomstbestendig en efficiënt is ter ondersteuning van het proces van begrotingsvoorbereiding, -wijzigingen en -verantwoording. Hiervoor zoekt Land een digitale oplossing. De oplossing valt onder beheer van de minister van Financiën en Cultuur, maar zal ook door alle andere ministeries worden gebruikt.

Request for Information

Er is een **Request for Information (RFI)** opgesteld om informatie te vergaren over de diensten/producten van verschillende leveranciers, teneinde een idee te krijgen van de mogelijkheden van het product/ de dienst bij verschillende partijen en om inzicht te krijgen in onder meer beschikbare technologieën, kostenindicaties, implementatiemogelijkheden en dienstverlening. De RFI vormt aldus een voorbereidende stap richting een mogelijk inkooptraject. De RFI is uitsluitend bedoeld voor vrijblijvende informatieve en verkennende doeleinden.

Voor meer informatie betreffende de RFI en de indieningsinstructies kunt u terecht op www.overheid.aw of kunt u deze opvragen via gabrielle.croes@finance.gov.aw.



NoticiadiCorte

4 AÑA DI PRISON PA HOMBER DI 74 AÑA CU A ABUSA DI MUCHA MUHER MENOR DI EDAD

ORANJESTAD – Awe mainta Hues a dicta sentencia den e caso penal cu Ministerio Publico a cuminsa contra e homber W.(74). Luna pasa tratamiento di e caso a tuma lugar, caminda Fiscal ta haya W. culpabel di a abusa di un mucha muher bou di 12 aña y a exige 5 aña di prison y pa W. paga e demanda di daño di 10 mil florin.

SOLO DI PUEBLO por a compronde cu Hues tambe ta haya W. culpabel, pero a condena W. na 4 aña di prison y cu W. mester paga 10 mil florin di daño.

HUES TA HAYA ACUSADO CULPABEL

Hues ta haya W. culpabel di a penetra e mucha cu su dede. Tambe Hues ta haya cu W. tabata mishi na e partinan intimo di e mucha. Tur esaki durante 2 aña largo.

Hues a splica cu segun decision di Corte Supremo di Hulanda, den casonan asina, mester busca pruebanan di sosten pasobra solamente tin e declaracion di e victima cu e

acusado. Hues a mostra cu e victima a declara na KZP cu for tempo cu e tabatin 7 aña te cu 9 aña, mas cu 30 biaha, W. tabata abusa di dje na cas di su mayornan den camber. Hues a mostra cu e mucha tabata yora so ora e tabata duna declaracion na KZP.

Hues a sigui bisa cu otro testigo a bisa, cu e mucha a cont'e kico a pasa y tabata yora. E testigo tambe a bisa cu e mucha tabata corta su mes na su mannan.

Na opinion di Hues, tin prueba di sosten y tambe cu e acusado W. mes a admiti durante tratamiento di e caso. El a admiti di a mishi cu e mucha na su pechonan y parti intimo, pero ta nenga di a penetra e mucha cu su dede. Hues a bisa cu e no ta kere W. Hues ta haya legalmente proba cu W. a penetra e mucha cu su dedenan diferente biaha y a mishi cu e mucha su partinan intimo.

Pa cu e castigo, Hues a bisa cu e ta tene cuenta cu seriedad di e caso. El a bisa cu Fiscal a exige 5

aña di prison y abogado mr. Mohamed a bisa cu e castigo exige ta dispropocional halto y tambe pa Hues tene cuenta cu salud di W.(74).

Hues ta haya cu durante 2 aña largo, W. tabata abusa di e mucha. Hues ta haya cu W. a abusa di e confianza di e mayornan a pone den W., pa wak pa nan yiu. Hues a sigui bisa cu W. a tacha e integridad di e mucha y cu e mucha a keda afecta.

Hues a mostra cu for di rapport di psicologo, te ainda e mucha ta afecta. Hues a bisa cu e ta tene cuenta cu orientacion di sentencianan di Corte Superior den casonan similar. Hues a condena W. na 4 aña di prison, kitando e tempo cu e ta sera den KIA. Pa loke ta e demanda di daño, ta asina cu e mayornan a demanda 10 mil florin. Esaki door cu e mucha ta afecta. E ta corta su mes, e tin miedo y mester haya tratamento. Hues a aproba e demanda di 10 mil florin y a pone e medida di pago.

TRUCK DI SERLIMAR A BAY DAL TRAS DI AUTO E CANTIDAD DI SUSHI Y BRAKE FAYO A YUDA E IMPACTO



Diahuebs mainta a drenta informe di un accidente cu hende herida riba e caminda di Ser'i Teishi pa Barcadera, mesora a dirigi tanto polis como ambulans na e sitio.

Na yegada di e patruya a bin compronde cu aki ta trata di un accidente entre un truck di sushi y un Toyota Voxy unda e chauffeur di e truck a bay dal tras di e auto.

Debi na e impacto un pasajero a haya dolor na su nek. Na yegada di e ambulans nan a atende e dama victima na e sitio mes.

PARLAMENTARIO SHAILINY TROMP-LEE A EXPERENCIA BUNITA CELEBRACIONNAN RELACIONA CU DIA DI BANDERA NA CORSOU Y UN SHOW IMPACTANTE PA CELEBRA DIA DI EMANSIPASHON 2025



Cu gran honor y alegria, mi a realisa un bishita oficial na Corsou durante e dianan 1 y 2 di juli 2025, representando Fraccion di Movimiento Electoral di Pueblo (MEP) y formando parti di e delegacion di

Aruba. E bishita tabata pa asisti na actividadnan importante relaciona cu Dia di Emansipashon y Dia di Bandera, dos fecha fundamental den historia y cultura di nan pais.



Durante e bishita, mi a asisti na e ceremonia di Baha Bandera cu a tuma luga na Plaza Brion dia 1 di juli 2025. Un acto cu ta simbolisa nan orguyo patriotico y nan compromiso pa nan identidad como pueblo. E ceremonia a keda finalisa cu un procesion simbolico cu a crusa e brug pa yega na Fort Amsterdam, caminda e Ceremonia Oficial di Dia di Emancipacion a tuma luga. E bahamento di bandera sigur tabata un actividad hopi bunita yena cu emocion y respet. E anochi den Fort Amsterdam sigur tabata impactante. Un despliegue di talento, creatividad, historia dunando tambu un atencion hopi special y caminda a reconoce diferente baluarte cu a mantene e historia y herencia musical aki bibo y den un desaroyo constante. Cu e celebracion di Dia di Emansipashon, Gobierno di Corsou a conmemora e

dia cu nan antepasadonan a sali for di opresion y a reclama nan derecho humano. E celebracion aki no solamente a duna atencion na e logro di liberacion, pero tambe pa enfatisa e principio pa sigui traha na un Corsou cu ta husto, inclusivo y funda riba igualdad pa tur hende.

E siguiente dia, 2 di juli, mi tabata presente na e reunion solemn di parlamento y a participa na e acto di ceremonia oficial di Dia di Bandera. Un mainta dedica na amor y respet pa nan bandera y tambe na nan historia y cultura. Un mainta completo caminda a rindi honor na nan himno y bandera. Mas cu claro a para keto tambe na e importancia di e nificacion di un di e simbolo di union y identidad mas importante di nan pais. Un mainta hopi bunita yena cu baile, canto, musica y caminda

a reconoce personanan pa nan actonan meritorio y a demostra amor pa nan pais. Un reconocimiento sigur na su lugar pasobra ta danki na e personanan aki nan por sigui crea un Corsou mas fuerte y prospero pa nan pueblo y futuro generacion. Ta personanan cu sin ningun interes personal a of ainda ta aporta grandemente na desaroyo di nan pais. Alabes durante e mainta aki nan e duna un reconocimiento na mi tata Ramon Lee cual sigur ta keda aprecia masha pa su persona y famia completo.

Mi ta gradici sinceramente pa e ricibimento caluroso y e tremendo trato ricibi durante mi bishita. Mi a gosa hopi di tur celebracion y sigur tabata un honor di por a celebra hunto cu nan nan Dia Nacional y e Dia di Emansipashon, un recordatorio di e lucha pa libertad y husticia cu nan antepasado a hacia.

E IMPORTANCIA DI PRODUCCION LOCAL DI CUMINDA, PA RIGOBERTO SINT JAGO DI PPA



E region di Caribe ta conoci pa su cultura vibrante, paisahenan bunita, y ecosistema diversifica. Pero, hopi di e islanan chikito den e region aki ta enfrenta desafionan grandi relaciona cu siguridad di cuminda. Sin suficiente agricultor, nos ta depende demasiado di importacion di cuminda, y nos ta mas vulnerabel pa e cambio climatico y e cadena di transporte. Mi persona ta di opinion cu ta hopi importante pa nos isla cuminsa enfoca mas riba produccion di su propio cuminda pa asina por ta mas resiliente y sostenibel. Aruba ta un ehempel cla di e desafio y e oportunidad aki, specialmente pa lora ta trata e sector turistico y e compromiso pa cu nos medio ambiente.

Beneficio economico y siguridad di cuminda

Aruba, un isla chikito cu un

area di solamente 180 km², ta depende hopi di importacion di cuminda -rond di 80 pa 85% di e necesidadnan di cuminda ta importa - principalmente for di Estados Unidos, Venezuela, Colombia, y otro islanan den Caribe. Egasto di Aruba pa importa cuminda ta aproximadamente 200 miyon USD cu ta pone nos isla na riesgo di fluctuacion di mercado mundial y problema den cadena di suministro. Durante e pandemia di COVID-19 e vulnerabilidad aki a keda mas bisto, y a yuda pa enfatisa e necesidad pa aumenta e produccion local di cuminda. Door di stimula e produccion di berdura y otro cultivo, por reduci e dependencia di importacion y crea empleo. Por ehempel, si Aruba por aumenta e produccion di berdura y otro cultivo local cu solamente un 15 te 20%, esey por spaar nos nos isla e fluho di capital cu ta sali pa importa e tipo di cuminda aki.

Sostenibilidad di e medio ambiente Si tuma na cuenta cu Aruba ta un isla seco cu un clima di desierto y cu recurso di awa limita, esey ta haci dificil pa e isla por expande e agricultura tradicional. Pero metodonan innovativo manera hydroponics, agricultura vertical, y aquaponics ta trece solucion. E metodonan aki por aumenta e produccion local di cuminda cu un 30%, mientras ta conserva awa y energia. Ademá, e ta promove un Aruba sostenibel cu ta implementa e tipo di tecnologia sostenibel cu

ta beneficia nos medio ambiente, especialmente si combin'e cu energia renovabel y concepto pa conserva awa. Asina ey nos por pone nos isla riba e mapa mundial den "AGRI TOURISM". E compromiso di Aruba pa cu nos medio ambiente ta refleha den e politica di sostenibilidad cu ta promove energia renovabel y conservacion di awa.

Resistencia contra e cambio climatico

E cambio climatico ta representa un menasa grandi pa Aruba, cu e aumento di nivel di laman, segura y tormentanan fuerte cu cada aña ta yega mas cerca y ta mas frecuente. E recurso di awa di nos isla ta depende di desalinisacion, cu ta un proceso cu ta uza hopi energia. Mi ta di opinion cu nos mester focus riba "Water Harvesting" y asina lo por coba pos den cada bario pa asina pueblo por tin acceso na awa dushi pa usa den nan hofi na cas. Tambe nos mester promove e produccion di cuminda cu ta resistente na segura, manera yuca, batata dushi, y yerba indigeno cu ta permiti produccion di cuminda den tempo di segura.

Turismo y herencia cultural

E turismo ta un sector fundamental pa Aruba, cu ta contribui na mas cu 80% di e PIB. Un turista ta busca un experiencia autentico di Aruba, caminda cuminda local ta importante. Iniciativanan manera e movimiento "Farm-to-Table Aruba" ta promove e uzo di e

cultura local di cuminda, manera Yambo, Concomber, Pampuna y Yerbana di e isla, pa sirbi na hotel y restaurantnan. Esaki ta fortalece e identidad di Aruba y e turismo sostenibel. Tambe e mercado di cuminda local, manera e "Aruba Farmers Market" ta atrae turista cu ta interesa den e sabornan autentico di Aruba. E esfuerzo aki ta reforsa e reputacion di Aruba como un destino cu ta promove sostenibilidad y cultura.

Conclusion

No solamente mester stimula e cunukeronan pa cuminsa cultiva mas frecuente y no solamente den temporada di awasero. Tambe mester stimula cada ciudadano pa cuminsa produci cuminda den su propio cura. Den un skina den bo cura bo por traha un haula cu 4 galiña y asina ya caba bo ta spaar placa y alabes bo tin un fluho di compost infinito cu lo yuda bo den bo hofi. Menos cuminda cu wordo importa, mas divisas ta keda Aruba cu por wordo uza pa inverti mas ainda den nos mes. Otro beneficio lo ta cu e adulto mayor ta move mas, come mas saludabel y tur esey por yuda baha e gastonan di AZV.

Mi persona y partido PPA ta comprometi pa yuda pueblo bira mas resiliente y independiente, sigur tumando nota di acontecimentonan geo-politico cu ta andando rond mundo!

Bo sirbidor Rigoberto Sint Jago PPA

CAMBIA PERSPECTIVA TOCANTE OBESIDAD: SA BO NUMBER Y MIDI BO PESO



JUES A DICTA SU SENTENCIA NA FAVOR DI COMISION 11 DI CAPA 250704

Esentencia di 1 juli 2025 ta pa directiva di CAPA duna na comision 11, e registro di miembronan di CAPA. Di acuerdo cu statutonan di CAPA, directiva a nenga di hacie y cual ta motibo pa comision 11 bay corte. CAPA ta un Cooperativa di miembronan di SEPPA.

CAPA tin + 1500 miembro y e miembro por spaar placa y ricibi un interes hopi biaha mas halto cu Banco Priva y ora di necesidad, e miembro por fia te cu 25 mil florin cu interes mas abao.

Un cooperativa ta un asosacion di hendenan, kendenan pa un o mas motibu ta lanta e asosacion pa coopera cu otro y busca bentahanan comun. E forma di coopera aki ta un organisacion habri pa miembronan por coopera cu otro, unda number, adres, telefoon y awendia e formanan digital mester ta disponibel na tur miembro, pa coopera y comunica cu otro, ora ta necesario. Pa e motibu ey CAPA tin e articulo 30 den statutonan, unda e registro mester ta disponibel pa miembronan. Esaki Juez a mostra tambe. Durante tratamento, Juez a bisa cu e no ta bay obliga directiva yama un reunion General pasobra den e statutonan ya tin e opcion ancla con pa yama e reunion general, uzando e registro di miembronan y articulo di statutonan nr 21, lid 4. Miembronan por yega na un cantidad di firma pa obliga directiva yama e reunion pa duna cuenta di e ladroncia di F 382.000,=. Si directiva no hacie e miembronan mes ta yama e reunion y tur desicion ta legal.

Juez a mostra cu directiva di CAPA claramente a nenga di aplica statutonan. Esaki ta un violacion di e constitucion di CAPA. Pa tur miembro sigur pa e lidernan, aplicacion di Statutonan ta algo sagrado y violacion ta un delito pisa, cual ta motibo den e caso aki pa raya e directiva for di CAPA. Aserca e nengamento aki ta indica algo hopi fishy a sosode. Directiva kier tapa cos den e ladroncia aki di F 382.000,=, cual ta placa di miembronan di CAPA. No ta ladroncia di dosplaca, ni di un florin!!!

Preguntanan cu miembronan kier contesta.

Magaly Brito como Tesorero di CAPA, si e mesun Secretario General di SEPPA, e persona cu ta responsabel pa un bon maneho financiero den CAPA, den reunion general a bisa cu un banco local lo bay paga e F 382.000,=, pero comision 11 tin e veredicto di Juez, den cual Juez ta bisa

cu e banco no tin nada di haci cu e ladroncia. Berdad por ta, cu tin algun trahador di e banco cu ta amigo(a) di e sospechoso principal, pero e banco no ta involvi. CAPA a perde e caso mahos contra e Banco.

Ariba e pregunta di con ora a tuma e sospechoso principal den servicio no a haci un antecedenten-onderzoek na Ministerio Publico, manera ta normal ora un persona bin traha na un Instituto Financiero, Sra Brito a contesta cu esaki a "Escape"nan, esta como lider di un instituto financiero nan a lubida cual ta otro delito.

No tabatin debido informacion di e Tesorera den reunionnan general na 2023 y 2024. No Por Nos sa cu tabatin un investigacion di PG, tambe un Investigacion Forensico, tur sin cu Doñonan di e placa=miembronan di CAPA por a wak, corda lesanan .

Directiva debe miembronan informacionnan Tin como 7 casonan den corte contra otro personanan involvi den e ladroncia. Directiva no a duna ningun informacion, ni di e caso perdi contra e banco local.

Kico a pasa cu e tokenan?

Con a para cu e investigacion di O.M?

Con a para cu e Investigacion Forensico, doñonan=miembronan di CAPA por lese?

Lo tabatin un negligencia "Intencional" di parti di directiva, causa pa Amistad, pa no pidiun antecedenten-onderzoek di O.M., ora ta tuma personal den servicio, anto di un persona cu antecendencia malo di ladroncia? Di con a tarda asina hopi pa ricibi e veredicto contra e malhechor, mas cu un año despues cu a descubri e robo, di sept 2022 pa okt 2023?

Di con a tarda como 6 luna, okt 2023 – april 2024, pa "beteken" e vonnis?

Ki dia ta splica e 10 casonan den corte?

Tur ta preguntanan cu doñonan =miembronan di CAPA, kier sa di e directiva di CAPA.

Sigur ta cu e interes cu miembronan ta ricibi ariba nan spaar pa e año di ladroncia, tabata algun percentahe menos. Claramente miembronan a keda perhudica dor di e ladroncia.

Den SEPPA violacionnan di statutonan ta multiple y mahos!!

Ora nos pasa ariba e maneho den SEPPA, nos ta wak cuanto violacion di statutonan di SEPPA, sra Brito, como Secreario General a comete.

Art 10 lid a y b no a duna cuenta di e maneho financiero for di 2014, tampoco presupuesto y plan di trabao. Miembronan no a ricibi ningun informacion.

A viola art 10, Lid F y G, for di 2013, dor di no a tene eleccionnan.

Art. 19 lid 4, for di 2014 no tin directiva mas, cual organo mester supervisa e maneho di sra Brito como Secretario General.

Articulo 19 lid 5, directiva ta duna e secretario General decharge pa e maneho financiero cu e a hiba, pero for di 2014 no tin directiva. Pues Secretario Gral no a ricibi decharge pa su maneho financiero. Tin hala di violacionnan pisa cometi dor di e Secretario General Magaly Brito.

Cu e veredicto tocante violacion di statutonan y e tantisimo violacionnan di statutonan den SEPPA, mihor cos cu Magaly Brito por haci ta tuma su retiro for di SEPPA, pasobra miembronan ta bin pe y no tin scapatorio. Ni si e busca hala di miembronan di directiva di antes pa consehe y e mihor abogadonan.

Un miembro di SEPPA ta un hende drechi, bon prepara, pues "Keda Keto" frente e total di 6 violacionnan di statutonan di SEPPA=delitonan, durante hopi año, NO ta un opcion, esaki ta converti e miembro cu "Keda Keto", den un persona sin principio, un trahador debil. Tur e violacionnan describi aki ta demonstra cu sra Brito y su grupo kier converti CAPA y SEPPA den organisacionnan mafioso. Pa tur hende ta bisto cu e violacionnan di Statutonan ta orden di dia. E balornan democratico cu nos ta anhela, Checks and Balance=control ariba gastamento di placa, tur a wordo benta afor dor di Sra Brito. Miembronan mester pone orden den SEPPA.

Comision 11 di miembronan di CAPA. 250704

Miembronan di comision 11:

Estella Brown-Thode, Michiel G. Croes, Nico John, Melvin Loefstok, Jenny Loefstok, Humphrey Tromp, Juan Tromp, Dionicio Vrolijk, Hermogenes, Buchi Vrolijk, Versie Vrolijk, Gregorio Wolff.

Nota na Prensa: Por favor no publica e nombernan di e miembronan di Comision 11

MINISTER GERLIEN CROES A CONECTA CU STUDIANTENAN ARUBIANO NA HULANDA: INSPIRACION, DIALOGO Y COMPROMISO PA FUTURO

Oranjestad, 4 di juli 2025 – Den marco di su bishita oficial na Hulanda, Minister Gerlien Croes, a participa den un encuentro inspirativo cu e hobennan estudiante Arubiano na Hulanda. E evento, un ‘Meet & Greet’ organisa conhuntamente cu Arubahuis, a tuma luga na De Haagse Hogeschool na Den Haag y a resulta den un participacion record di studiantenan motiva y comprometi. E cantidad record di estudiante cu a atende e ‘Meet & Greet’ ta confirma e interes, motivacion y speransa di e studiantenan pa un maneho, esfuerso y vision alcansabel colectivamente.

E encuentro a sa di crea espacio pa dialogo abierto y interactivo riba topiconan relevante manera: diferente ramo di estudio, vivienda, seguro, mentorado, sosten y reto cu studiantenan Arubiano ta enfrenta durante nan trayectoria academico y personal na Hulanda. Otro topiconan cu a dialoga riba dje tabata: falta

di informacion general encuan to preparacion pa bay studia na Hulanda, bida na Hulanda y incentivanan pa bin bek Aruba. E energia positivo y e nivel di participacion a resalta e gran compromiso cu e hoben Arubiano tin pa su futuro y pa e desaroyo di nos pais.

Minister Croes a destaca cu Aruba ta conta riba su studiantenan pa termina nan estudio exitosamente y cu su regreso y aporte ta esencial pa un Aruba progresivo, fuerte y yena di oportunidad. “Nos ta kere den boso. Boso ta nos futuro. Y nos ta compromete pa crea e condicion y sosten necesario pa boso por regresa Aruba y ta exitoso”, Minister Croes a enfatisa.

Durante e bishita, Minister Croes tambe a cumpli cu su ronda di introduccion oficial y a dialoga cu e miembronan di ‘Studenten Commissie Aruba’ cu recientemente a wordo instala, un grupo clave den representacion y sosten di studiantenan Arubiano na Hulanda.



Un punto sobresaliente tabata e entrega oficial di e ‘Studenten Succesbeleid 2025–2030’, un documento strategico pa guia y promove e bienestar y exito di studiantenan Arubiano den Reino Hulandes. E documento a wordo presenta na Minister Croes pa Directora di Gabinete

di Aruba na Hulanda, Sra. Joselin Croes, como simbolo di cooperacion y direccion strategico pa e añanan binidero.

E encuentro a confirma cu Aruba tin un generacion di hoben inspira y comprometi, y cu hunto cu – gobierno, institucionnan

y e studiantenan mes – nos por sigui traha pa un futuro cu speransa, igualdad y progreso.

Danki pa boso energia, boso speransa, boso participacion y boso compromiso. Aruba ta conta riba boso.

ATROBE MAS ACCIDENTE NA E CRUSADA BANDA DI WENG KEE NA PIEDRA PLAT

Diaranson atardi a drenta informe di un accidente na e crusada banda di Weng Kee na Piedra Plat, mesora a dirigi un patruya na e sitio.

Na yegada di e patruya a bin compronde cu atrobe ta trata di un accidente pa falta di preferencia unda un auto a bay subi caminda net ora cu un van ta bini di pariba y nan a dal den otro.



HOBENNAN DI FORMACION SOCIAL A TERMINA FASE 1 Y TA CLA PA OPORTUNIDAD Y DESAROYO NOBO



E orguyo di mira bo yiu bay dilanti ta tur locual un mama ta desea. Pa logra cambia e mentalidad di un hoben no ta facil. Nan ta lanta den un ambiente y influencia cu ta pone nan tuma decision, hopi biaha robes.

Mama di cursista Kock a expresa su gratitud na

tur cu ta forma parti di e proyecto di Formacion Social, pa guia y inspira su yiu pa mira cambio positivo den su bida. Awo su yiu ta disciplina, tin respet y balornan cu a ricibi nan cas, despues cu pa mal influencia, a desvia for di e direccion corecto. Danki na e proyecto di SVT, por bisa cu a trece un cambio

drastico den su bida. Esaki ta palabra cu e mama aki a uza pa describi e decision di su yiu pa forma parti di e trayecto: “tough love”. E amor di e mayornan hopi biaha no kier mira cu e yiunan ta haci malo y bay riba mal caminda y dañan nan futuro. Sra. Madelyn Paula, ta gradici Prome Minister Mike Eman, cu a inicia e proyecto di Formacion Social y na tur cu ta haci esaki posibel.

Cursista Kock di su banda tambe a comparti su experiencia den Formacion Social. Na prome instante a pensa cu lo bay ta algo malo, pero cu enfoka y cambio di mind set, bo ta logra. “Mi a siña mi les, caya ta malo so y ta caba mayoria di biaha den KIA”. “Mi a haci mi mama proud. E proyecto a cambia mi bida, mi ta gradecido cu e disciplina ricibi. Danki na mi mama pa a hinca mi akiden, pa sostene mi y pa tuma e decision dificil pa tene mi akiden”, cursista Kock a comparti.

Cursista Camaro tambe a forma parti di formacion social. Un hoben alegre,

positivo pero cu no tabata scucha di su mama. Camaro a drop out for di scol y hopi lihe a bay den mal caminda. Mama di e hoben Camaro a logra convence pa forma parti di Formacion Social y awe e ta wak bek cu a tuma un bon decision. “Mi a siña hopi cos nobo y ta hopi gradecido y ta mira un rumbo nobo den bida, cu meta di caba scol y cuminsa traha”.

Un otro hoben cu a termina e prome fase di Formacion Social ta Maduro, kende ta contento cu su tata ta e persona cu a busca informacion y a dun’e un bon splicacion kico tur esaki ta encera. Maduro no tabata un hoben riba caya, pero como no a caba otro curso, su tata a presente cu e oportunidad aki. Segun Maduro, SVT ta un experiencia unico den cual a siña masha hopi, supera bo limite, traha den ekipo y conoce diferente hende. “Duna SVT un chens, purb’e y no give up”. Pa Maduro, su meta principal ta pa drenta Arumil.

Cursista Kock ta conta cu

e tabata hopi riba caya. E ta consciente awo cu traha placa y haci cosnan cu no tabata corecto no tabata e miho opcion, pero e no tabata mira otro oportunidad den bida. Na momento cu a drenta Formacion Social, tur cos a cambia.

Segun Maduro, SVT ta un bon chens pa un di dos oportunidad den bida. Maduro tambe tin e meta pa drenta Arumil y sirbi nos comunidad y ta gradici Sergeant Croes cu a bin te su cas pa busk’e, y a convenc’e pa e forma parti di SVT. E no ta imposibel, ta locual cu Kock a indica.

Un hoben cu tambe a caba e prome fase di Formacion Social ta Perez, y a haya informacion di su mama y cu awo ta mira un proposito den bida. Disciplina y respet sigur ta algun di e factornan principal di e formacion y cu hopi hoben ta menciona di a ricibi den e trayecto di Formacion Social. E ta orguyoso di su cambionan, y cu a logra hopi y sin e oportunidad cu SVT a dune, e no lo ta locual e ta awo.

Graduadonan di IPA cla pa nabega pa un futuro briyante

IPA A HONRA SU GRADUADONAN DI AÑA ACADEMICO 2024-2025



Recientemente, Instituto Pedagógico Arubano (IPA), a tene su ceremonia di graduacion di aña academico 2024-2025 cu a hiba e tema Nabega pa un futuro briyante. Cu orguyo, IPA ta anuncia cu awor nos enseñansa ta conta cu un grupo di 13 maestro cu lo reenforza nos educacion na Aruba. E graduadonan tin diferente specialisacion, entre otro, Maestro di Enseñansa Primario, Bachelor Nederlands als Vreemde Taal, Movecion y Salud y Pedagogisch Didactisch Getuigschrift.

E studiantenan cu a gradua den aña academico 2024-2025 ta: Estudio pa Maestro di Enseñansa Primario: Juraiska Croes, Giselle Evertsz, Rosaelina Maduro, Rigella Oduber, Sue-Donna Rombly, Nathaly Tobar. Bachelor Nederlands als Vreemde Taal, Initiële Opleiding: Giselle Geerman. Bachelor Nederlands als Vreemde Taal, Verkort Traject: Jéseña Croes, Gisela Trimon. Movecion y Salud: Josiah Tromp. Cursus Pedagogisch Didactisch Getuigschrift: Sydney Curiel, Gerar Khouri, Raymond Rasmijn.

Alabes e graduadonan di e colaboracion entre Wayne State College y IPA tambe tabata t'ey presente na IPA su graduacion. Un total di 11 profesional den campo di educacion a forma e di dos grupo di Aruba pa sigui e estudio Master of Science in Education (MSE): Curriculum & Instruction - Instructional Leadership di Wayne State College na Nebraska. Aunke cu nan no ta graduado oficial di IPA, IPA ta celebra e momento aki basa riba e colaboracion entre IPA y Wayne State College. E graduadonan ta: Zuleika Arendsz, Jaderick Croes, Xzmyra Croes, Gwenn Davelaar, Jessica Franken, Janirra Kock, Danielle Kole, Richelle Noel, Clarice Ras, Georgino Vrolijk y Milouschka Wernet.

Durante e graduacion, directora general drs. Marilyn Richardson a dirigi palabra na e publico presente, specialmente na e graduadonan. El a inicia su discurso bisando e graduadonan: "E echo cu boso ta aki nan awenochi ta un muestra di poder di perseverancia y dedicacion.

E logro di ricibi un diploma ta nifica cu cada un di boso a sa di supera e retonan cu a presenta durante boso estudio. Cu confiansa boso a tuma e timon y a sa di nabega e oceano di formacion y a yega e destino di bira un maestro di scol of di a amplia boso conocimiento, habilidad y competencia como maestro existente. Definitivamente ta un momento di tira bo anker pa celebra."

Drs. Richardson a menciona cu rol di maestro ta mucho mas cu ofrece un base solido di conocimiento y habilidad. Segun drs. Richardson maestro tin un responsabilidad grandi y un rol clave pa nutri desaroyo social emocional, resiliencia, empatia y importancia di colaboracion, p'asina percura cu nos muchanan ta haya un base firme, basa riba balor y un cultura di pas y union, pa nan siña aprecia diversidad, tin mente habri y creativo, siña maneha conflicto, confronta reto na un manera positivo y innovativo.

Alabes el a menciona cu IPA su fundeshi principal ta pa empodera lifelong learning y cu cada graduado ta IPA su embahador pa logra esaki den nos comunidad. Na final di su discurso, e directora a expresa su orguyo: "No tin un profesion mas bunita cu esun di un maestro. Cu e profesion aki, boso no ta traha solamente riba boso mes futuro, pero tambe ta



guia boso alumnonan, e pasaheronan di boso barco na destinacionan briyante." Como presentacion intermedio, tabatin un presentacion teatral prepara pa y dedica na nos graduadonan, titula Abordo e barco di IPA. E presentacion teatral a wordo skirbi y dirigi pa IPA su docente di Drama, Mr. Daylan Krozendijk, y e docentenan cu a actua den e presentacion ta: Dr. Gregory Richardson, Daylan Krozendijk BSc, Melendy Neuman MSc, drs. Noemy Croes y Maximo Wernet BPE. E presentacion ta trata di un capitan y su matrosnan cu ta prepara pa subi e barco di enseñansa, pa nabega pa un futuro briyante. Prome cu nan sali, e capitan ta motiva su tripulacion cu un speech inspirativo.


Durante e biahe, nan ta topa obstaculo relaciona cu enseñansa. Pero ku fe y perseverancia, e capitan y su matrosnan ta logra yega na nan destinacion final cu exito.

E anochi aki tabata uno hopi ameno, caminda e comunidad di IPA conhuntamente cu famia y invitado di e graduadonan a celebra nan logro den Grand Ballroom di Aruba Marriott Resort & Stellaris Casino.

IPA ta desea tur colega nobo un carera fructifero y exitoso. Nos ta spera cu Todopoderoso lo guia y duna boso sabiduria pa eherce e bunita profesion di maestro cu hopi amor y dedicacion. Pabien na tur graduado y un feliz vakantie na tur e maestronan y muchanan di Aruba!

UN ADICION VALIOSO PA CU E PROMOCION DI DEPORTE Y E BALORNAN OLIMPICO

Comite Olimpico Arubano ta ricibi donacion di empresa local Delta Blue



Dialuna ultimo a ricibi bishita di Delta Blue, un empresa local cu ta ofrece solucionnan y ekiponan den e mundo tecnologico pa tur empresa of instancia na Aruba. COA a wordo aserca door di e hobennan cu ta lidera e empresa cu e deseo di kier aporta na e promocion di deporte y e balornan Olimpico a traves di tecnologia.

A base di esaki, Delta Blue a haci un entrega di un donacion den forma di un pantaya interactivo y inteligente di e marca "One Screen", unda por haci diferente cos cune, manera crea ilustracion digital y analisa diferente

aspectonan tecnico di deporte. Esaki lo wordo usa durante reunionnan of tournan cu ta wordo duna di e cas di COA.

E donacion aki siguramente lo wordo hopi bon utiliza manera a ser haci 2 dia despues cu un bishita di Mon Plaisir Basis School, unda a laga

e muchanan describi kico a keda den nan mente despues di e splicacion di e mundo Olimpico. Comite Olimpico Arubano ta gradici Delta Blue pa e tremendo regalo aki, y lo percura pa haci bon uso di dje a traves di promocion di deporte y e spirito di Olimpismo. #TEAMARU



COLECCION DI BUKI NA H.O. HOSPITAL



Biblioteca Nacional Aruba ta yuda amplia e coleccion di buki na hospital. E coleccion di buki aki ta pa tur hende cu kier lesa, sea pashent, colega of bishitante. Banda di e pashent cu por pasa tempo lesando, bishitante tambe ta gusta lesa ora tin mester warda beurt y alabes tin varios empleado cu gusta lesa den tempo liber. E coleccion di buki ta ser realisa pa diferente donacion unda Bibiloteca Nacional Aruba ta contribui gran parti di esaki.

Mark Veenendaal cu ta traha na departamento di Radiologia na Hospital a inicia e proyecto aki trahando duro riba un ‘book corner’ dilanti di e kapel ubica cerca di radiologia. Esaki hunto cu un bibliotecaria. Mark ta hay’e hopi importante pa ofrece pashent buki pa lesa y ta di opinion cu lesamento di storia ta ofrece un ‘escape’. Ora un pashent ta hospitalisa, e situacion por dun’e stress, e por sinti incomodo of no sa ki pa haci pa ‘mata tempo’. Lesamento por



yuda tempo pasa mas
lihe y ademas ta stimula
e mente. Y si nan no por
sali for di nan camber un
rato, semper por puntra un
colega riba piso asistencia
pa trece literatura pa nan.

Por fia e bukinan
libremente y nan ta
acesibel pa
un y tur.
Idea ta pa
e keda un

Ora

‘ruilbibliotheek’ pues tin intercambio di literatura door cu por coy y duna buki pero tambe fia y trece bek. Esaki ta haci cu e coleccion ta keda varia automaticamente. E variacion ta grandi y ta inclui buki y revista pa hoben y adulto. Na

Horacio Oduber Hospital
nan ta hopi contento cu
e servicio di buki aki por
sigui despues di basta
año y nan ta spera tur cu
bishita HOH por gosa di e
bunita coleccion di buki na
hospital.

HET WEER

Warm of koud
Ik hou van jou
Koud of warm
Geef me je arm
Hou me vast
Het weer is geen last
De wind is effe
Aan het rusten
In de mooie hitte
Van de zonnestralen
Niet balen
Dankbaar zijn voor
Alles in alles
Tevreden met een lach
Jij mag

Weer genieten
Van een nieuwe mooie dag
Het zweet
Aan het voorhoofd verdwaald
Op zoek naar ijsklontjes
Van koude regen
Van boven een zegen
Die het lichaam
Afkoelt in gedachten
De hitte omlaag gebracht
In de wonder van
Duizend en een nachten.

Ruthy" Lady Ruth"

Oracion di dia

Un feliz dia bendiciona yena cugracia di Dios

**"LO BO TA SACERDOTE PA SEMPER NA E
MESUN MANERA CU MELKISEDEC."
(HEBREUNAN 7, 17B)**

Ruman aki nos ta mira Hesus cu e titulo Sacerdote/Rey di Husticia pa
semper, bunita titulo pa Hesus aunke Hesus no mester di ningun
introduccion of titulo paso E ta Dios y Dios ta Amor. Asina mes den
Hesus nos por experencia Amor, E Amor Unico cu nos tur ta anhela
consciente y inconscientemente nos tur ta anhela di experencia E Amor
di Dios.

Ta difícil pa esey sosode? Ta bon pa nos sa cu tur cos ta depende di con habri nos curason ta pa Hesus y con nos ta permiti Spirito Santo move den nos.

Diadomingo nos a scucha cu nos tin e
donnan y awor ta keda nos nada mas cu resa y pidi Spirito Santo habri
nos curason pa nos experiencia y pone e donnan den practica y asina
acepta y cumpli cu Dios su boluntad den nos bida y nos biba!

Oracion:Hesus mare nos tur por reconece cu Abo ta nos Rey di Husticia
y acerca Bo curason misericordioso pa nos salvacion.

Amen

FORTALEZA PA FAMIA

Scirbi pa Pastor Marcel Balootje.

BAN HACI ESFUERSO PA SIRBI DIOS, HESUS A ENTREGA SU BIDA PA NOS SALBACION

Pa Gracia boso a wordo salba,door di Fe,y esey no di boso mes, e ta e don di Dios.No como resultado di obranan, pa ni un hende no gaba.(Efesionan 2:8-9)
Ningun hende no a paga pe, ni ningun hende no por paga pe tampoco.

Hesus a entrega Su bida pa nos na crus, pa pordon di pica, pa asina nos por ricibi bida eterna den Cristo Hesus.
Pasobra Dios a stima mundo asina tanto cu E a duna Su yiu unigenito pa ken cu kere den dj'E no bay perdi ma tin bida eterna.(Juan 3:16).

Esun cu kere den e Yiu tin bida eterno,ma esun cu no obedece e Yiu, lo no mira bida,ma e furia di Dios ta keda riba dje.(Juan 3:36).

Tur locual nos kier logra den nos bida, nos mester haci esfuerso, pa yega na dje, pasobra nada no ta bini pornada, cu flohera ningun hende no ta yega ningun caminda, pasobra flohera ta amigo dii pobresa.

Esforsa bo mes y sea balente,
Sirbi Senjor cu anhelo di bo curason,
Cu goso y alegria,
Cu un curason fiel y firme,
Cu un curason dedica,
Pasobra ta cosnan grandi Dios a haci pa nos y cosnan mas grandi E ta bay haci pa nos.

Salbacion no ta barata, e a costa bida, di Hesus, Su sanger a wordo derama pa pordon di nos pica, ta imposibel pa ricibi Su salabacion y keda den mes un bida di cobardia, permanece den mes un bida di di pica, sin tene cuenta cu locual Cristo a haci pa nos.

Ora nos acepta Cristo Hesus como Senjor y Salvador,nos ta un criatura nobo den Cristo Hesus, tur cos bieu a pasa y a wordo haci nobo, esey ta nifica cu e bida bieuw , mester wordo reemplasa pa un bida nobo den Cristo Hesus.
Ya e cosnan di antes di e homber bieu no ta

pertenece mas den nos bida, nos tin pone nos bista riba Cristo Hesus y no keda participa den cosnan di mundo y usa e excuus cu mi no ta perfecto, pasobra si un hende no esforsa su mes pa coopera cu Dios pa cambia su bida, e hende lo sali perdi, pasobra Dios a pone tur cos disponibel pa nos sali for di pica.

Pasobra ta para scirbi den Romanonan 6:12-14 bisando;Mescos boso tambe,considera boso mes morto pa pica, ma bibo pa Dios den Cristo Hesus.

Pesey no permiti pica reina den boso curpa mortal, asina cu boso mester obedece su pasionnan.
Y no sigi presenta e miembronan di boso curpa, na pica,como instrumento di inhusticia,ma presenta boso mes na Dios, como esnan bibo for di e mortonan, y boso miembronan como instrumento di husticia di Dios.
Pasobra pica lo no tin dominio riba boso,pasobra boso,no ta bao di ley, ma bao di gracia.

Awor cu nos sa esaki, e ta bira difcil pa sigi participa den pica boluntariamente,pasobra salvacion no ta barata,pesey nos mester haci tur esfuerso, pa cana den e caminda smal indica pa Dios, y aparta di e caminda hancho den cual diabel tin dominio.

Den Cristo Hesus, nos tin redencion pa medio di Su sanger, e pordon di nos picanan, segun e rikesa di Su gracia.(Efesionan 1:7). Ma Dios ta demostra Su mes amor pa cu nos den esaki,cu tempo nos tabata pecador ainda, Cristo a muri pa nos. (Romanonan 5:8).

Corda bon cu gracia , no ta libertinahe, pesey no bolbe bek na sclavitud di pica.
Cu , Fe y perserverancia,nos lo mira Cristo Hesus.
Sincermente, Pastor Marcel Balootje.

SUDOKU

3	4	5						8
6	1			8	3	5	4	9
7	9			4	5			6
			1	5	7			
				6	4	9		
	7	1	9			4		
		9		2		6		4
	5			1				
2		6				3		

		7			6	5		
	4			7	1			
		9		4		7		6
3		6	8		7	9		2
				5				
2			1		4	6		8
	8	5			3	1		9
		1						
			7		9	4		

				5				
	7	2				4	6	
3			6		1			9
9			2		6			4
	6	7				1	3	
				8				
6								7
	8						5	
		5	9	6	2	3		

MINISTER GERLIEN CROES A REUNI CU 'MENTORNAN' Y DEPARTAMENTO DI ASUNTONAN DI ENSEÑANSA DURANTE SU BISHITA OFICIAL NA HULANDA



Oranjestad, 4 di juli 2025 – Durante su prome bishita oficial na Hulanda como Minister di Relacionnan den Reino, Educacion, Hubentud, Innovacion y Deporte, Minister Gerlien Croes a realiza un serie di encuentronan exitoso y rondanan di introduccion strategico, enfoca riba

fortalecimiento di e laso institucional y e bienestar di studiantenan Arubiano na Hulanda.

Un di e momentonan central tabata e reunion cu e 'mentornan' encarga pa vang op y guia nos studiantenan Arubiano for di e momento cu nan

yega na Hulanda. Minister Croes a reconoce cu nan rol ta fundamental den e proceso di adaptacion, sosten emocional y exito academico di cada un di nos hobennan na Hulanda.

Pa haya un bista completo di e parti operacional di sosten educativo, Minister tambe a realiza un reunion cu e empleadonan di Departamento di Asuntonan di Enseñansa di Gabinete di Aruba. Durante e combersacion, a trata topiconan importante manera: e plannan actual, desafio cu e equipo ta enfrenta, sosten necesario, y e vision pa futuro. A pone




enfasis riba cooperacion structural y e importancia di adaptabilidad den e servicio cu e departamento ta brinda.

Minister Croes a extende palabra di gradicimento na Directora Joselin Croes y e team completo di e departamento pa nan

apoyo, guia y claridad durante su bishita.

Cu vision fiha, minister lo ta trahando den e temporada venidero riba creacion di miho structuranan y metodonan cu por sostene nos mentornan y empleadonan den nan funcion cu ta esencial.

ACCIDENTE CU MOTOCICLISTA Y 2 AUTO RIBA E.J."WATTY" VOS BLVD. A LAGA E MOTOCICLISTA SERIAMENTE HERIDA



Diaranson anochi a drenta informe di un accidente cu hende herida riba E.J."Watty" Vos Blvd., mesora a dirigi tanto polis como ambulans

na e sitio. E ambulans cu tabata regresando su post na Wayaca tabata e prome pa yega na e sitio y a lanta e motociclista seriamente herida y pone

den ambulans atende y transporte mesora pa hospital. Na yegada di e patruya ya caba e ambulans tabata den direccion di hospital. Investigacion pre-eliminar a indica cu e motociclista a bay subi e caminda net ora cu 2 auto tabata bini y e prome a haya e impacto cu e motorcycle a dal den dje den banda y esaki a pone e motorcycle bolter y cay, e motociclista a cay riba caminda y e segundo



auto lo a pasa riba dje fracturando su man y pia.

Pa haci e investigacion polis a sera e caminda.

Parlamentario Arends-Reyes:
KIER MIRA CUENTA ANUAL Y
VISION LARGO PLAZO DI TPEF

(3 di juli 2025) - Miembro di Parlamento y lider di fraccion di AVP, Jennifer Arends-Reyes, tabata esun prome pa hiba palabra durante e reunion publico pa trata e presupuesto di TPEF (Tourism Product Enhancement Funds) Despues di haci analisis profundo y haya presentacion di e entidad, e fraccion a prepara su preguntanan y presenta nan den sala, enfoca riba e transparencia y strategia tras di e maneho di TPEF.



"Nos a solicita pa presenta e cuental anual di TPEF y na minister di turismo pa comparti su vision." AVP a duna un enfoque critico y constructivo di con TPEF ta influencia y desaroya e producto turistico di Aruba. P'esey kier sa tocante e direccion y strategia pa futuro, pidiendo mayor claridad riba Minister Cicilia su vision y metanan pa mehora e turismo riba nos isla cu enfasis tambe ariba pariba di brug.

Den su pregunta, Arends-Reyes a enfoca riba e constelacion di hunta di directiva y ki paso lo tuma pa sigura e implementacion exitoso di su plan y mantencion di facilidadnan existente."No ta interesa djis den sa con TPEF lo ehecuta proyecto, sino tambe con ta garantisa e mantencion y evaluacion continuo di nan.

Ta importante cu nos
por evalua si e proyekto
a logra su meta, pero si
ta mantene di manera
sostenibel," Arends-Reyes

a indica. AVP ta enfatisa cu e funcion di TPEF no ta limita na proyecto di corto plazo, sino cu tambe ta necesario pa tin un plan na largo plazo pa sigura cu e beneficianan ta perdura.

Pa e motibo ey, Arends-Reyes a pidi pa haya un plan cu ta inclui metodo pa evalua y midi nan exito. AVP ta keda comprometi na supervisa di cerca e uzo di fondo publico, promove un agenda di claridad, control y bon maneho pa e futuro sostenibel di Aruba.

AWA CAYENTE A CAY RIBA MUCHA DI 2 AÑA NA SANTA CRUZ

Diaranson atardi a drenta informe di cu awa cayente lo a cay riba un mucha di 2 aña, te cu su cuero lo a cuminsa pela, mesora a dirigi un ambulans na e sitio. Na yegada di e ambulans nan a atende e mucha y a transporte pa hospital.



		Paardenbaastraat 10, Oranjestad, Aruba Tel.: (297) 525 - 7555 www.lottoaruba.com Resultado: Sorteo di Merdia 🎡 - July 04, 2025	
 Sorteo # 4670 9922 0751 4442  X3  Sorteo # 4670 5287  X2  Sorteo # 2726 3921  Sorteo # 4670 0298 Cancer  Sorteo # 1544 937  X2		 Sorteo # 0 x Jackpot 0 x Match 4+ 0 x Match 4 0 x Afl. 12,00	Joker Letter Proximo Jackpot 200.000,-
		 Sorteo # 0 x Jackpot 0 x Match 4 0 x Afl 8,00	Proximo Jackpot 64.000,-
		 Sorteo # 0 x Jackpot 0 x match 4 0 x Afl. 500,00 0 x Afl 50,00 0 x Afl.15,00	Mega Ball Proximo Jackpot 875.000,-
		 Afl.1.300.000,-	
		 Sorteo # 	

		Paardenbaastraat 10, Oranjestad, Aruba Tel.: (297) 525 - 7555 www.lottoaruba.com Resultado: Sorteo di Anochi 🌙 - July 04, 2025		
				
Sorteo # 8586		Sorteo #	Joker Letter	
9074		0 x Jackpot	Proximo Jackpot	
0376		0 x Match 4+	200.000,-	
0361		0 x Match 4		
		0 x Afl. 12.00		
				
X2		04-10-17-18-24		
		Sorteo # 6875		
Sorteo # 7630		0 x Jackpot	Proximo Jackpot	
0834		4 x Match 4	64.000,-	
		156 x Afl 8,00		
X3				
				
Sorteo # 2335				
5873		Sorteo #	Mega Ball	
		0 x Jackpot	Proximo Jackpot	
Sorteo # 6389		0 x match 4	875.000,-	
0722		0 x Afl. 500.00		
Libra		0 x Afl 50.00		
		0 x Afl. 15.00		
				
Sorteo # 1319		Sorteo #	Sorteo # 189	
992			125663	
				
X3				

“Dios ta Amor..y Amor ta Dios”
Maske mi no ta na e mundo aki, tur biaha lo mi ta banda di boso Curason,
Mi por stens di loke Señor ta hasi”
Salmo 33

Cu hopi tristesa den nos curason nos ta anuncia perdida di un
heroe di Turismo, un icono pa Aruba su Desaroyo den su totalidad.

Mayornan: † Dr. Jacob “Coco” Rudolf Arends y
† Sofia Margarita Maria Arends
Felismente Casa: † Lucia Casimira Arends- Krozendijk
Alegria di Yiu: Abigael Noelia Sofia Arends
Sgt. Peppers Compañe: Dushi Arends

Persona di cuido y di cas priva: Cristina Mateo Ramirez “Cristina”
Diana Patricia Castaño Osorio “Diana”
Luz Marina Moreno Cantillo “Luz Perdomo”
Abigael N.S. Arends “Mi Yui”

Divorcia di mama di su yuinan: † Orquidea Maria “Tonia” Villasmil y famia
Yuinan : † Roderick “Rorito” G. Arends Jr.
na Naples, Florida, USA: Edith “Tita” Arends (†-Simon)
Joalis Arends (- Brokke)

Nieto(a)nan : Justin Brokke y famia
Kaihle Brokke y famia
Tahnyshah “Tahny” Simon y Famia
Táickie Simon y Famia

Ruman: † Jacob “Ru” Rudolf Arends y famia
Subrino: Jacob “Ruudje” Rudolf Arends Jr. y famia
Rusette Arends y famia
Amigo Manera Ruman: † Candido “Cobito” Jacobo Angela y famia
Eduardo de Kort y famia
Subrino(a)nan, Swa y cuñanan, Primo(a)nan, amigo y conocirnan, bisiañanan

Demas famia na Aruba y afo; Arends, de Veer, Raven, Dubero, Martines, Danies, Nicolaas, Croes, Hintz, Oduber, Maduro, Thiel, Rasmijn, Villasmil, Krozendijk, Lacle, Bruin, Henriquez, Martinez, Nucete, Tromp, Rico, Hooker, Giel, Harms, Vela Delgado, Fowler, Richardson, Nisbet, Werleman, Kock, Brown, Vargas Sanchez, van der Veen, Quant, Maynard, van der Ree, Eman, Aguirre Giol, Daantje, van den Bosch, Zapata Gómez, Montilla Mavares, Geraci, Bikker, Heronimo, Frigerio, Pietersz, Leon, Theysen, Brugès, Bedoya Giraldo, Garcia, Bislik, Piedrahita Garcia, Muñoz Lopez, Yarzagaray, Diaz, Muños Navarro, Vrolijk, Pãris, Vingal, Ruiz, Muyale, Hassell, Quigley, Meyers, Yegüez Gomez, Weaver, Mansur, Marugg, van Gulick, Tavera Rodriguez, de Cuba, Agudelo, Mathilda, Colina, de Windt, Urueta Arias, de Haseth, Kelly, Pabón Cantillo, Ruta,

Ceremonia na Misa pa e duna honor y cumpli cu su promesa.
Ta invita pa acto di despedida cu lo tuma lugar dia 10 di Juli 2025 na Misa San Francisco di Asis na Oranjestad di 2’or pa 4’or di merdia.

Ceremonia Protocolar pa gradici pa a traha pa Aruba y mundo.
Condolencia lo tuma lugar na Aurora Funeral Home dia 11 di Juli 2025 na Aurora Funeral Home di 6’or di atardi pa 9’or di anochi.

Ceremonia Ultimo Descanso pa e reuni cu su famia den su Gloria.
Acto di entierro lo tuma lugar cu su grupo di famia, amistadnan y ex coleganan di ATA, AHATA, ELSKA Foundation, dia 12 di Juli 2025 di 9’or di mainta pa 12’or di Merdia y lo bai pa Santana Catolico na Oranjestad.

Despues di entierro no ta ricibi bishita di condolencia na cas.
Nos desculpa si den nos tristesa nos por a lubida cualkier persona.



Dr. Roderick “Rory” Gilbert Arends
***01-08-1939 †30-06-2025**
Ex- Director di ATA, ex CEO di AHATA y Vice
President di ELSKA Foundation